



A lokisetse Morena sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



Mahao o hana seboka

5

Ba abeloa
likhau

13



6

E KOPANYA BASALI

www.moeletsioabasothe.co.ls



Re se re fumaneha ho marangrang

Email: newsroom@moeletsioabasothe.co.ls
Tel: +266 28350466/ Whats app: 62600983

MOELETSI**E ba isa Russia****Ho tšoana leha o thotse****Nthabeleng Seitlheko**

Moetapele oa Lekhotla la Bosebeletsi ba Sechaba (UAT) Dr. Mahali Phamotse o re o phatlalatsa ntoa khahlanong le tlhokahalo ea mesebetse le tla tse jeleng setsi

long ea bana ba Basotho ka sepheo sa ho ba betlela bokamoso bo chabileng. A re sena ba se entse ka tumellano le naha eo hore bao ba il'o ntšetsa lithuto tsa bona pele.

O re joalo ka morupeli o thabetse taba ena hore baithuti ba Lesotho ba fumane menyetla ea bophelelo. A re khetho ena ha e'a etsoa molemong oa bacha ba lekhotla la habo empa ke molemong oa bohle.

H'a phethela o re puso

uneng molemo Lebohang Machakela, o itse ba leboha batsoali ka ho ananela litaba tsena hobane li molemo bokamosong ba bona, ka hoo ke takatso ea bona ho ea sebetsa ka thata le ho ithuta e meng ea mesebetse oa matsoho e tla thusa hore qetellong ba tle ba itlhahe-tse mesebetse.

E mong oa batsoali 'Maneo Masheane, o itse ba motlotlo hobane thuto ea tura matsatsing ana, ho thata hore ba atlehe ho isa



naheng ena, le ho hlahisa baithuti ba 30 ba lefelloang lithuto ke mokha oa habo ba lebileng Naheng ea Russia. O tiisetse tsena puisanong le Koranta, ka la 29 Pherekhong monongoaha.

O re baithuti bana ba il'o ithuta lithuto tse fapakaneng tsa mahlale e le ho kenya letsoho thutong le ntlafa-

e mpe, e sitisa tlhahiso ea mesebetse linaheng tse kantle ho Basotho ba nang le litsebo tse pharalletseng, ka mabaka ana mokha oa habo o romella baithuti ba tsoang mekheng le makhotleng a mang a lipolotiki ho ea likolong tsa boemo bo phahameng.

E mong oa bacha ba

bana ba bona likolong tse kantle ho naha. A re o na le tumelo ea hore ba tla its'oara hantle le ho tlela Naha ea Lesotho manoni.

A re ba leboha UAT ka monyetla ona, kaha e le qaleho e ntle ea ho tsetela bacheng molemong oa ho aha bokamoso bo botle sebakeng sa baithuti.

Mazenod BOOK CENTRE 22 322 213 / 27 350 562
mazerubookcentre@gmail.com / bookcentre@mazenodprinting.co.ls

Phakoana Tšoana M195.00

Malebela A5 M152.00 / A4 M75.00

Mosali a Nkhola: M195.00
Lesotho lea ea: M150.00
Tholoana tsa Sethepu: M130.00

Libuka tsa sesotho

Kamor'a hore Presidente ea Naha ea Amerika Donald Trump a tekene selekane se hulang lithuso linaheng tsa Afrika, mebuso e ile ea hlaha kapel'a sechaba ho se khoba matšoafu le ho se netefaletsa hore tsohle li tla tsamaea ka thello. Empa mebuso e meng eona e shebahala e selebaletsoe hobane lintho tse kang lithhare ha ho moo e tla li fumana teng.

'Muso oa Lesotho ha se mokhelo litabeng tsena ka hona o ntšitse polelo eo bohanyetsi bo reng e thotse tu! Kaha e sa fane ka tlhaloso e hlakileng. 'Muso o re Lekhotla la Matona, Liofisiri tsa 'Muso le mafapha ohle a amehang a tla kopanya maboko ho bona hore na litaba tseo li ama sechaba joang. Hape boemeli ba Lesotho Naheng ea Amerika bo se bo qalile ho etsa liphuputso mabapi le Basotho ba 11 ba tlaheoang ba lelekiloe. E se e le nako joale phatlalatsa ena ea ho hula lithuso e entsoe, hobane'ng Lesotho e le hona le tla il'o shebana le eona? Linaha tse ling ha li hlaha kapel'a sechaba li fane ka litharollo mabapi le liqholotso tse teng. Moetapele oa Bohanyetsi Paramenteng, o bontša bohlokoa ba tharollo hobane Litsi tsa Bophelo tsa Likereke (CHAL) li se li lelekile baoki ba amahanngoang le lithuso tsena. Hobane'ng 'muso oa habo rona o hata butle tjee?

Ka lehlakoreng le leng, re sa le mathateng a tjametseng naha ena, ho na le ngoana ea selemo le likhoeli tse robeli eo esaleng a nyamela ka khoeli ea Tšitoe ngoahola ea e-s'o fumanoe. Ekaba ngoana ea mokaalo o nyameletse kae moo a sa hlaheng? Taba ea bana ba nyamelang e shebahala e nts'e ja setsi kahar'a naha. Leha ho le joalo Motlatsi oa Tona-Kholo o khobile sechaba matšoaro ka ho re sepolesa se se hatetsepele haholo ka lipatlisiso mabapi le litaba tsena, ebile se rahetse molaetsa ho sa Afrika Boroa. Maparamente a basali a ile a etela lelapa la Maloro ho ikutloela ho tsoa ho lona ka ho nyamela ha mor'a lona. Ntat'a ngoana o bontšitse a se a sa tsebe hore na ba batlela kae hobane moo ba neng na tšepile teng ba hlotsoe.

Joalokaha Sesotho se bolela hore mosali o tšoara thipa ka bohaling, African Women in Dialogue (AFWID) e tšoaretse basali ka mafapha a bona a fapakaneng 'moka Naheng ea Afrika Boroa, ka sepheo sa ho thakelana ka malebela litabeng tsa bophelo. Ntlha e kholo haholo eo mokhatlo oo o e entseng ke ho se sie basali ba nang le bokooa, joalokaha e le tloaelo. Re thoholetsa mohato oo oa bona 'me basali bohle ba moo e se eka ba ka khutla ba khotse tse molemong tse tla tsoela bona le linaha tsa habo bona molemo. Haholo basali ba tsoang linaheng tseo litokelo tsa basali li ntseng li sa hlonepshoe, ba il'o fetoha tomoso e tla lomosa basali ba bang ho ema ka maoto ho loanela litokelo le bolokohi ba bona.

Lekhotla la Bosebeletsi ba Sechaba (UAT) le rometse baithuto ba 30 Naheng ea Russia ho ntšetsa lithuto tsa bona pele, 'me tsena tsohle li entsoe ka chelete ea lona. Moetapele oa UAT o re lekhotla ha le etsetse feela bacha ba lona empa bohle molemong oa bakamoso ba bona le ba naha. UAT e entse ntho e sa tloaelehang ea ho thusa bacha le hona ka thuto, ka hona mekha le makhotla a mang a lipolotiki a ke a qopitse botle bona.

MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsiabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKHETSE MORENA SECHABA SE PHETHEHLENG (LUKE 1,17)

Editorial

Lesoetsa Rakubutu

(+266) 6203 1949 / 58190670

EMAIL: editor@moeletsiabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšelisio Thakholi

58 540 853/ 63 480 404

Production Desk: 'Mateele Liqa

'Muso o hlahloba liqeto tsa Trump

Nthabeleng Seitlheko

Muso oa Lesotho o re o tsoere ka thata ho hlahloba litlamorao tsa khato ea Naha ea Amerika malebana le ho fanyeha lithuso linaheng tsa Afrika, nakong ea matsatsi a 90. Tsena li hlaheletse polelong ea Motlatsi oa Tona-Kholo, Justice Nthomeng Majara, ka la 29 Pherekhong monongoaha.

O tiiselitse Basotho hore phepetso ena e nketsoe holimo hoo boemeli ba Naha ea Lesotho naheng eo bo ntse bo etsa liphuputso hore na Basotho ba tl'o ameha joang le hore ho na ba 11 ba lelekiloeng naheng eo ba e-s'o netefatsoe.

O re litaelo tsena tse tekennong ke Naha ea Amerika ke thuto ea hore mphephe e'a lapisa, ka hoo ho bohlokoa hore ba ee pele ba tsoarane ka matsoho ho hlola liqholotso tsohle.

O bonts'itse ha ka la 5 Pulungoana ngoahola, ho bile le likhetho naheng ea Amerika tse ileng tsa haptjoa ke Donald Trump ea hlomamisitsoeng ka la 20 Pherekhong monongoaha.



A re eo ha kena ofising o tekenetse phanyeho ea lithuso tse tlang Afrika nako ea likhoeli tse tharo, ka hoo taba ena e tla ama a mang a manane a teng kahar'a Naha ea Lesotho, empa boemong bona Lekhotla la Matona, Liofisiri tse Kholo tsa 'muso le mafapha a maholo a tsoere ka thata ho hlahloba litlamorao tsa litaba tsena.

O itse Lesotho le na le likamano tse ntle le Amerika ho tloha selemo sa 1966, 'me esale Amerika e ntse e etsa litlatsetso ka matla mananeng a fapakaneng joaloka bophelo, thuto, kholiso ea moruo le tšireletso. Ka hona a re ba leboha naha eo ka tšehetso eo 'me ba lakatsa hore e ka tsoe-

lapele.

Ho sa le joalo, Moetapele oa bohanyetsi Paramenteng ea Lesotho Mathibeli Mokothu, o bonts'itse hore 'Muso oa Lesotho o lokela ho tla ka tharollo litabeng tsena kaha Litsi tsa Bophelo tsa Likereke (CHAL) li se li lokollotse baoki bohle le bathusi ba fumanang meputso kahar'a manane a tšehetso a Amerika.

A re ho lokela ho hlake hore na litabeng tsa Millennium Challenge Account (MCA) ho tl'o ameha mafapha afe, le baithuti ba tšehetsoang ke naha eo ba tl'o ameha joang. O re polelo ea 'muso e utloahala e sa arabele bothata bo teng, hobane ba lokela ho supa tsela hore na ho sebetsoe joang.

Ka lehlakoreng le leng, Moetapele oa Mokha oa Lekhotla la Tumelo ea Basotho (YES) Ntšonyana, o re 'muso o tlameha ho fana ka tharollo ea moshoelella litabeng tsena kaha li ama bokamoso ba sechaba sa Basotho, empa ba ntse ba itšetlehile tabeng ea hore naha e ithahisetse lithare kaha e na le litsebi tsa Basotho tse rutiloeng ka lichelete tsa naha.

ea batho ba nang le bokooa e qala ho theoa bo-'m'e ba ne ba eme ka maoto empa ha joale ba bonahala ba ikhulela morao litabeng tsa bona." Ke Letsau eo.

O itse ka tsoanelo ba lokela ho bonahala ba sebetsoa ka thata hore litaba tsa bona li utloahale le ho mamelea ke sechaba e se ba shebellane. A re ha joale Naha ea Lesotho e bonahala e iteka litabeng tse amanang le batho ba nang le bokooa kaha ho se ho na le melao e sireletsang basali le hore ba na le litsebo tsa khoebo ka bongata empa khaello e le lichelete tse qalang khoebo.

"Mosali ea nang le bokooa mathata a hae a imenahanya habeli, ka hoo ba lokela ho tšehetsoa kaha bohlo ba apareloa ke bofuma." A rialo.

H'a phethela, o hlalositse hore 'moka e kang ena ke tlhoko kahar'a Naha ea Lesotho, moo basali ba ka kopanang ba bona hore ba ts'ohla mathata a bona le likatleho. O ipilelitse ho bo-'m'e ba nang le bokooa ho se itheke moroalo ba eme ba loanele litokelo tsa bona.

Letsau ke e mong oa bo-'m'e ba nang le bokooa ba masapo, ea sebeletsamg

Sepolesa se hatetsepele

Nthabeleng Seitlheko

Maparamente a basali a etela lelapa la Maloro le batlang mor'a lona eo esaleng a nyamela le ho inoesa ka nkho se etsahetseng, ha joale ho setse letsatsi eo a qeta khoeli e sale a nyamela ka la 31 Ts'itoe monongoaha. Litaba tsena li bile ka la 27 Pherekhong monongoaha.

Basali ba Maparamente ba etetse lelapa ho ea utloa molomong oa lona ka se ileng sa etsahala ka Mokue-na Maloro ha tla qetella a



nyametse ho fihlella a se a haba khoeli joale a ntse a e-s'o fumanoe. Maparamente a neng a akha matona ka hare, a re ho tloha joale, Litsi tsa Tšireletso tsa naha ena, ka bolaoli le bookameli ba tsona, li lokela ho laeloa ke Lekhotla la Matona ho tsoa letšolo ho batloe ngoana hohle moo a ka fumanoang teng.

ho bona hore bo-'m'e ba nang le bokooa ba tseba litokelo tsa bona tsa mantlha tsa botho, boikemelo le ho iketsetsa.

E mong oa basali ba tlaase lilemong ea nang le bokooa ba masapo, ho hlaha Jennifer Abomnger, o hlalositse hore litaba tsa tekano esale qholotso kahar'a linaha tsa Afrika haholo ha ho lebanoe le batho ba nang le bokooa, litaba tsa khiro khethollo le boikemelo ba bona.

A re lipalo-palo li supa ha 80 milione ea batho ba nang le bokooa Afrika, ba kopana le liqholotso tse boima joaloka tšekisetso litabeng tsa manyalo kaha batho ba sebelisa sekala sa bona ho ba nyenyefatsa ka tseo ba ka li etsang.

Masery Brima ho hlaha Sierra Leone ea nang le bokooa ba pono, o supile hore ba lokela ho ikemela, ho se itheke moro-

Ntat'ae Motlalentoa Maloro o hlalositse hore ba khathetse matla ebile ha ba sa tseba ba tsoa ka lekhalo lefe, leha o re o ntse a ea mosebetsing leha ho le boima kaha a sitoa ho tsepamisa maikutlo hobane o lokela ho fepa lelapa la hae.

O re taba ena e boima kaha ba batlile moo ba neng ba belaela teng, ba thusoa ke batho bohle. O re seo a se hlohang ke ho tseba hore na ngoana oa hae o feletse kae.

Mokhethoa oa Likotsi Itumeleng Rantšo, o re ho batloa ha ngoana ha ho ea etsoa ka tsela e nepahetseng, ho lokeloa ho batloe hohle motseng le ka matloaneng, ho ikholisa hore ngoana eo e fela a le sieo.

O re ntho ena ea ho nyamela ha bana e bohloko kaha e le taba e sa thabiseng e bile e tla ba tloaelo.

Mohlomphehi Nthathi Moorosi o supile hore ho nyamela ha ngoana enoa nako e telele hakaana e le ntho e nyarosang kaha ho sa hlake le hore na ngoana ea mokalo o tsamaea joang ho se mohlokomeli oa hae.

Justice Nthomeng Majara o bonts'itse hore sepolesa se se hatetsepele ka lipatlisiso le ho rahela ba Afrika Boroa melaetsa. O re batsoali ba ngoana ba lokela ho amohela boemo bohle boo ngoana oa bona a tla hlaha ka bona.

Mokuena Maloro, ke ngoana oa boraro lapeng habo ea selemo le likhoeli tse robeli 'me e mong ho tlaehoa a ne a hlokahale.

alo litabeng tsohle tse ba amang leha ho le boima ka linako tse ling empa ba se inyeneyefatse kaha Molimo e le eena ea ba bopileng.

O re le bona ba ne ba rata ho tsoana le batho bohle, ka lebaka leo khetholoho ea bona kahar'a sechaba e lokela ho ba buella, ka hore ba lule fatše le basali ba bang ho bua ka litaba tse ba amang. A re ke 'nete liqholotso li teng empa ba lokela ho itšireletsa le hore ba tsebe ho ananeloa ke batho bohle, ka lehlakoreng le leng ba bulela bana ba ntseng ba hola menyetla le batho ba ka kopanang le bokooa tseleng.

African Women in Dialogue (AFWID) ke 'moka o tsoaroang selemo le selemo moo basali ba linaha tsa Afrika ba khokhohanyang puo, ka liqholotso le likatleho le likhathetso tseo ba ka bang le tsona ntlafalong ea bophelo ba bona.

Ba nang le bokooa ba ka ikemela

Nthabeleng Seitlheko

Basali ba nang le bokooa ba leqele litabeng tse ba amang kaha ba se na chelete, ba tšaba ho hlahella ba lula ba phelisoa ka lithuso empa ba ka fetola bophelo ba bona. Litaba tsena li boletsoe ke moemeli oa Bo-'m'e ba nang le bokooa, ho hlaha ho 'Mamekhatlo oa Mekhatlo oa Batho ba nang le Bokooa (LNFOD), Pascalinah Letsau ka la 29 Pherekhong monongoaha.

O re 'moka oa basali ba Afrika o reretsoeng ho ts'ohla liqholotso le likatleho tseo ba li fihletseng le boikemelo ba bona linaheng tsa habo bona (African Women in Dialogue, AFWID 2025) o matla e bile ke lehlohonolo hore ebe o emetse bo-'m'e ba nang le bokooa kahar'a linaha tse 55.

A re ke nako ea hore bo-'m'e ba nang le bokooa ba ntseng ba le bacha le ba seng ba holiile, ba ikemele ba hlahelle ka hohle ho loanela litokelo tsa bona le ho utloahala ka lentsoe le matla le ho tsoarana ka matsoho litabeng tsa tla-

hiso. O re ba lokela ho sebelisa matsoho a bona ho iphelisa, ba sebelisa talenta le boqapi molemong oa bophelo bo botle ba malapa le kholo ea ona.

O supile ka 'moka ona, a ithutile hore batho ba hlabololo joang le hore ba lokela ho ananeloa joang hore ho be le likamano tse ntle malapeng le mesebetsing, ba sebelisa haholo likarolo tsa maoto le matsoho tseo ba lebalang ka tsona kamehla.

O itse ba boetse ba hlahellana ka malebela ka ho fapakana hore na ke ka tsela efe ba ka ikopanyang ka likoporasi tsa bona le mekhatlo ea metseng ho iketsetsa chelete, ho qoba ho fetola matsoho masoto. O re ho ba le bokooa ha se bokulo ka hoo ba eme ba its'ebeletse.

O tsoetsepele hore Naha ea Lesotho ha e na chelete ka linako tsohle, ho tšehetisa likhoebo tsa basali ntle ho lipehelo tse boima ka lebaka leo kaha ba sa batle basali ba iketsang mekopa-kopa literateng ba lokela ho tsoarana ka matsoho ho bona hore ba fihlela litoro tsa bona.

"Nakong ea ha mekhatlo

RE TŠEHETSA BACHA

Tšeliso Thakholi

Thabang Tsimane (21) oa Khubetsoana Seterekeng sa Berea ke mothehi oa khoebo e nyenyane e hlahisang tamati le liperekisi e bitsoang Basotho Fruits & Veg. e thehiloeng ka selemo sa 2017, h'a qeta ho phethela lengolo la hae la botichere ka Sekolong sa Thuto le Koetliso (LCE).

Sepheo sa hae

Sepheo sa ka e ne e le ho ea etsa lithuto tsa botichere empa e itse ha ke hlokomele hore nka iphelisa ka ho hlahisa tamati le liperekisi tse ntle tseo ke sa ntseng ke li lata kantle ho naha ha joale, kaha ke hlokometse hore Basotho ba bangata ba rata tamati le liperekisi haholo etsoe boholo ba li pheha ho etsa jeme le ho li betla bakeng sa ho etsa mangangajane.

Qaleho ea tšebetso

Ha ke qala mofuta ona oa khoebo, sethathong batsoali ba ka ba ne ba hliile ba sa utloisisi hantle hore na ebe ke habile kae kaha ke e-na le lengolo la botichere. Empa ba ile ba 'na ba ntšehetsa ka lichelete ho fihlela kamora likhoeli tse robeli ba bona tema e hlaha hobane ke ne ke ntse ke sebetsa e bile ke e-na le bareki ba bangata ba tllilo reka.

Ho feta mona qalong, khoebo e ile ea qala hantle kaha ke ne ke etsa mangangajane ka ho reka liperekisi tse hlahisoang ke bana ba Basotho. Ke ne ke batla ho isa molemo molemong e le hore le bona ba tle ba tsebe ho beha bohobe tafoleng, ho iphelisa le ho phelisa malapa. Monate oa ho reka kahare ho naha ke hore re fokotsa litšenyehelo le ho thusa bahlahisi hore lijalo tsa bona li se ke tsa senyeha. Hape chelete e tseba ho ba ngata kahara naha, kaha



e ntse e potoloha ho Basotho e sa tsoele kantle.

Toro ea ka

Ke hore bacha re ikopanye ho theha feme kapa khoebo e kholo e tla tseba ho holisa moruo oa naha ka ho lefa lekhetho. Ha joale re sebetsa re le bacha ba bahlano ha pele re ne re supile. Re motlotlo haholo ka seo re se etsang kaha rea itšebetsa e le ntho e monate haholo feela e hlohang batho ba nang le mamello, sebete, le lerato la seo motho a se etsang le ho sebetsa ka thata hore khoebo e atlehe.

Qholotso

Leha khoebo ena e bonahala e ntse e hola, hoo re seng re ntse re fepela a mang a mabenkele ka tamati le achar e hlahisitsoeng kahare ho naha ho tlosoa ha mek'huk'hu ea rona seterateng sa Maseru e ile ea re thefula habohlolo kaha ke ne ke e-na le mok'huk'hu o moholo o neng o rekisa tamati le liperekisi o ileng oa tlosoa. Sena se re otlile maling a mpa habohlolo hoo ke ileng ka tlameha ho fokotsa bacha ba babeli ba neng ba rekisa moo mok'huk'hung, 'me ba se ba e-tla feela ha

mosebetsi o le mongata ho tla re thusa.

E 'ngoe ea liqholotso tse kholo tseo re ileng ra kopana le tsona ke tlhokahalo ea lichelete kaha re ntse

la a maholo ho fihlela re ba re fumana tšebetso ea lichelete ho tsoa ho e mong oa bahoebi kahar'a naha. Mohoebi enoa o boetse o kentse letsoho le toma ho re

Ke ipiletsa ho 'muso oa habo rona ho tšehetsa bacha ba seng ba e-na le likhoebo le ho thusa ba nang le lerato la ho iqalla likhoebo. Bacha emang ka mao-



re lata thepa kantle empa ha re ea ka ra lahla tšepo, re ile ra tsoelapele ka mat-

batlela 'maraka oa ho rekisa lihlahisoa tsa rona.

Boipiletso

to le sebelise litalenta tseo Morena Molimo a le fileng tsona le tsebe ho iphelisa.



Listen To Us Here

Mafeteng
Mohlale's Hoek
Qach's Nek
Quthing



Maseru
Berea
Leribe



Mokhotlong
Thaba Tseka
Butha Buthe



www.bokamoso974.co.za

Mahao o hana seboka

Nthabeleng Seithleko

Moetapele oa Mokha oa Liketso le Bophethahatsi (BAP) Prof. Nqosa Mahao, o re eo e neng e le motlatsi oa hae, Motlatsi Maqelepo ea beheletsoeng ka thoko ho mokha lilemo tse supileng le ba habo, ba le bale seboka se khethehileng sa Mokha oa habo. O boletse tsena 'mokeng oa Bo-ralitaba, oa la 29 Pherekhong monongoaha.

O re Maqelepo o ntse a haola le makala a 'muso, a tšosa bahlanka bao e leng Ma-BAP hore e bang ba sa be ka lehlakoreng la hae toants'anong ea bona le moetapele, o tla ba leleka mosebetsing, 'me bahlanka bao ba tlalehetse Komite e Kholo ea Phethahatso litaba tsena.



A re ha ho nepahale hore litaba tsa komiti li bonahale li ama litho tsa mokha kaha e se bona ba etsang liqeto, ka hona eo o lokela ho ma-

mela tsamaiso le ho lumela ho sebetsa ka molao.

O bontšitse hore seboka se khethehileng se hlokoang ke Maqelepo le

ba habo, BAP ha e na ho itšoenya ka sona, hobane tsela eo benghali ba se kopileng ka eona ha e ea latela methati ea molao oa moth-

eo oa Mafube, se boetse se kopiloe ke bao e seng Ma-BAP.

O re mokha oa habo o tla hlahlela nyeoe Lekhotleng le Phahameng la Lesotho, ho thibela Maqelepo ho sebelisa thepa ea lekhottla ho tšoara liboka tse reretsoeng ho qhaqha le ho timetsa BAP.

H'a phethela o re Maqelepo le ba habo ha ba sa lefa botho ba maparamente ba boitlamo ba khoeli le khoeli molemong oa ho lefella litlhoko tsa BAP, ka hona le seboka seo ba se hlokoang se lokela ho hlophisoa ka eona chelete eo ba seng ba iphapanyetse ho e ntša le ha ba ngoletsoe mangolo.

E mong oa ba amehang litabeng tsena Tello Kibane, lebitsong la maparamente a lehlakoreng la Maqelepo, o re BAP e tsamaisoa ka santhao, ha ho na molao o tlamang maparamente ho nts'a bohashana bo itseng khoeli le khoeli, e ne e le boithaopo ha ka lehlakoreng le leng a re ha ba na matla a ho leleka bahlanka mesebetsing ea 'muso.

O phahamisa moea oa Ma-DC

Tšelisano Thakholi

Moetapele oa Lekhotla la Puso ea Sechaba (DC), Mathibeli Mokhothu o boletse litho tsa Lekhotla la habo hore Lekala ke khu-bu ea bophelo ba Lekhotla la Mahata-Mmoho. Ka hona ba lokela hore ba tiee tumelong ea Sehata-Mmoho e leng ea puso ea sechaba ka sechaba e molemong oa sechaba. Tsena o li buile sebokeng sa matsatsi a mararo sa khethe ea Komite e Kholo ea DC, se bileng Holong ea Matsieng ka la 24 ho isa la 26 Pherekhong 2025.

O qalile puo ea hae ka ho kopa Ma-DC ohle ho se fe-tohe mererong ea Lekhotla, ho hlomphe baetepele ba makhottla ohle a lipolotiki Lesotho esita le bao e bang ha ba utloane ka maikutlo. "Re hanane le bona feela re ba siela hlomphe le siriti sa botho." O boletse joalo a bile a ba hlokomelisa hore ba lokela ho lula ba falime-

hile le ho tiea tumelong ea Sehata-Mmoho e leng ea puso ea sechaba e molemong oa sona sechaba.

A re bona e le Mahata-Mmoho ba lumela khotso, kopanong le bolokolohing ba sechaba sa Basotho le lichaba tsohle tsa lefatše. A re ba boetse ba lumela kholisong ea moruo, phelisong ea bofuma, phelisong ea khethollo ea basali le bacha, toantšong ea bobolu bosebeletsing ba sechaba, ntlafatso ea basebetsi le mekhatlo ea bona le ntlafatso ea puso mekhahlelong eohle ea eona.

A supa hore tumelo ea Sehata-Mmoho Naheng ea Lesotho e na le mesebetsi ea ntlafatso e bonoang le ke tsipa-sehole. A etsa mehlala ka ho ntša phepele ea motlakase literopong ho isa metseng, khaho ea litsela le ho atameletsa puso ho bona ka ho thehoa ha Makhotla a Puso ea Libaka.

A re Mahata-Mmoho a mangata a ileng a lahleha tseleng a hloma makhottla a macha, makhottla a bona kaofela ntle le la-DC

le ntseng le phela a shoela kaofela hobane batho ba ile ba lahla tumelo ea Sehata-Mmoho. "Ka lebaka leo e bang hlokolosi hore le fele le sebetse ka khotso joalokaha le re hlhiselitse komiti ea khotso, 'me le tatamale khahong ea lekhotla koana mabatoong." Ke Mokhothu

eo.

Ho sa le joalo komiti e ncha ea DC e eme tjena: Mathibeli Mokhothu ke Moetapele, Motlatsi oa Moetapele ke Motlalentoa Letsosa, Mongoli e Moholo ke Tšitso Cheba, Motlatsi oa hae ke 'Mabafokeng Mpobole le Ramatloto ke

Hlalele Letšaba. Haele Molula-Setulo oa Liboka ke Bokang Ramatšella, Motlatsi oa hae ke Molise Mofolo, Mookameli oa Liphatlalatso ke Thabiso Lekitla, Motlatsi oa hae ke Katleho Mabeleng, Seboholi ke Serialong Qoo ha Motlatsi oa hae e le Moeketsi Shale.



AFWID e kopanya basali

Nthabeleng Seithleko

Basali ba Afrika ba lokela ho ts'oarana ka matsoho ho loanela kopano, ho ba le sethala sa lipuisano ho tšohla liqholotso le ho thakelana ka malebela litabeng tsohle tse ba amang. Tsena li hlalositsoe ke mothehi oa AFWID, Zanele Mbeki, Afrika Boroa, ka la 29 Pherekhong monongoa.

O re mokhatlo ona o bonahala o se o atlehile 'me o na le maputulo ho tloha selemong sa 2018, har'a mesebetsi e meng eo ba e etsang 'mokeng tsa mofuta ona ke pholiso, ho bua ka litaba tsa tokoloho le ho bopa meralo e ka thusang ho matlafatsa basali lefatšeng. A re ba rerile ho bona hore basali ba ba ntsoe leng maemong ohle a tsamaiso haholo litabeng tsa lipolotiki, moruo, tsoelopele le tse ling.

Mbeki o itse esale ba e-ba le lipuisano tsena ba hlokometse hore basali ba se ba e-na le lipuisano ho ea ka linaha ho fapakana, ho tlosa marokho a neng a sitisa likopano, likhohlano le ho utloisisana kahar'a sechaba. Lipuisano tseo ba ebang le tsona o re li tlosa litaba tsa tlala ka ho thakelana la malebela le ho phahamisa basali metseng.

A re basali ha joale ke bona ba utloang tlala lefatšeng, 'me ba thakelana ka malebela maemong ohle ho se mosali ea saletseng morao, haholo litabeng tsa tlhahiso, boqapi le boetapele. O re mokhatlo o bonahala o hola ka katleho kaha o ne o bitsoa South African Women in Dialogue (SAWID), empa ha joale o se o fumaneha linaheng tse 55, 'me ba sebeletsa ho phahamisa le ho matlafatsa mosali khahong ea litaba tsa khotso, botsitso le ntšetsopele ea moshoelella ea mosali.

O re AFWID e boetse e atlehile ho theha Women's Development Business Trust, eo morero oa eona e leng ho nts'a tlala ka metso ho basali ba Afrika Boroa le ho bona hore AFWID e ba sethala sa lipuisano ho tsoelapele ka ho tšehetsa basali litabeng tsa lichelete, lithupelo, khoebo le mesebetsi ea ntlafalo ea sechaba metseng.

Kaha e le 'moka oa boraro



ona, a re basali ba tsebe hore seo ba lokelang ho se etsa ke ho loanela bokamoso ba bona le ntlafalo ea Afrika, haholo ba shebile litaba tsa liphelelo tsa ntšetsopele ea moshoelella. O itse ha basali ba le 'moho phetoho ea Afrika ke ntho e nyenyane, hobane ba tseba ho buisana le ho shebisana litaba tsohle tse ba amang.

Mookameli oa Women's Development Bank Trust Riah Phiyega, o hlalositse hore kopano ea basali ba Ma-Afrika ke ntho e khohlo kaha e kenyeletsa basali bohle litabeng tsa botsitso, khotso le tsoelopele ea linaha tsa habo bona.

Mohoo oa 'moka ona ke "Mosali ea matla lentsoe la phetoho" ke phetoho eo basali ba lokelang ho e tlisa lefatšeng, ka tlhomphe ea litokelo tsa bona tsa botho, litoro tsa bokamoso ba bona le hore basali bohle ba tsoelepele ntle ho khoboso, tthekefetso le khethollo. Ho bohlokoa hore ba tsoelepele ho bona hore ba tlisa phetoho, ho fetola litloaelo le hore bohle ba phele lefatšeng le ba natefelang.

A re ho bohlokoa hore basali ba tsamae 'moho, kaha bohle ha ba le 'moho ho se motho ea ka ba emisang, litseleng tsohle tsa Afrika bohle re ka hola ra ba lentsoe la phetoho.

Morero o moholo oa AFWID ke ho kopanya lentsoe la basali Afrika ho ts'ohla litaba tse ba amang, ho matlafatsa mosali oa Afrika, ho tšohla melao le melaoana e tsamaisang basali linaheng, ho bona hore ba loanela ho tlosa litloaelo tse

etsang hore basali ba sitoe ho tsoelapele moruong, ntlafalo ea sechaba ka ho sumetsa phetoho ea melao e mecha le maano a ka fetolang mosali le ntlafalo ea hae, ho nolofatsa lipuisano tsa basali boemong ba linaha tsa Afrika.

E mong oa basali ba bileng 'mokeng ona, Luwam Mberantu ho hlaha Eritrea, o hlalositse hore o motlotlo ho ba karolo ea 'moka ona hobane linaheng tsa habo bona khatikelo ea litokelo tsa botho e phahame haholo ho basali eleng ntho e ba hlorisang. A re hoa thabisa ho bona basali ba le ntsoe leng kaha seo se tla thusa basali ba hatelloang.

Dan Entsaya eena o supile hore morero ona o moholo

lo 'me o fetola boinahano ba bona e le basali le hore ba holise ngoana oa ngoana ea nang le boikemelo litabeng tsa boipheliso, moruo le bophelo bo botle. Ka hoo a re ba lokela ho ema ka matla khahlanong le tthekefetso e bonahalang e tjametse basali le bana ba banana, kaha le bona ba na le tokelo ea ho phela ka bolokolohi.

E mong oa basali ba ntseng ba hola ea bileng 'mokeng ona ho hlaha Lesotho 'Malefu Kalake, o hlalositse hore 'mokeng ona o ithutile hore e le basali ba ka se loanele litokelo tsa bona ba ntse ba lapile, ba se na mekhoha ea boipheliso, ka lebaka leo ba lokela ho kena haholo mererong ea boipheliso haholo

temo ho fepa malapa le ho iketsetsa lichelete.

A re 'moka ona o mo thusa ho fola, ho hlokomela hore bophelong ha ho na tsela e se nang moepa, kaha ho na le linaha tseo sechaba sa tsona ha se ea linaheng tse ling ba il'o bua ka litaba tsa basali haholo tse amang litokelo le likhohlano, tsoelopele ea linaha ba nyonyobang hobane ba koetsoe melomo ka lebaka la khatello, empa Lesotho esale naha ea khotso eo bohle re lokelang ho e ananela ka lebaka bolokolohi ba sechaba. A re basali ba banyenyane ba se ke ba iphelela morao, ba soabela ho bua mathata ao ba kopanang le ona kaha taba eo e tšoarella katleho ea bophelo.



Tlhahiso ea lipeo



ea America e bonahalang e ikhula lithusong tsa eona.

A re basali ba Afrika ba matla tlhahisong, ka lebaka leo ba ka lema ba sa sebelisa letho ka ho itšebelisa lipeo tse ntlafetseng.

Se seng sa lihoai tsa Lesotho 'mokeng ona, 'Mabobo Makhele ho hlaha Maputsoe Poultry Farmers, e leng mokhatlo oa barui ba bo-mmalitšibana, o re 'moka ona o tlo ba thusa ho thakelana ka malebela litabeng tsa



Nthabeleng Seitlheko

Basali ba Afrika ba khothaletoa ho itlhahisetsa lipeo tsa lehae kaha li ntlafetse e bile e le mokhoa o bobebe oa ho lema le ho iphepa ho se tlhokahalo ea chelete. Litaba tsena li hlaheletse, lipuisanong tsa litaba tsa temo le basali ka linaha ho fapakana, 'mokeng o ntseng o tsoelapele oa linaha tse 55 oa Basali ba Afrika (AFWID) ka la 29 Pherekhong monongoaha.

hetso ea 10% ea lichelete litabeng tsa temo le ho ba le seabo litabeng tsa mobu kaha boholo kahar'a linaha tsa Afrika ba se na matla litabeng tsa mobu seo se etsa hore ba salle morao litabeng tsa temo.

A re basali ba lokela ho itlhahisetsa lipeo, ho li boloka le ho shebana le liqholotso tseo ba tobaneng le tsona tsa temo. A re qholotso tseo basali ba tobaneng le tsona ha joale ke phetoho ea boemo ba leholimo, tlhokahalo ea lichelete le tsebo ka temo e ntlafetseng.

O re ha basali ba e-na le lipeo tseo ba li bolok-

temo e le basali, ho bona hore ba ka fumana meb- araka joang linaheng tse ling, ho fumana menyetla ea ho itlhahisetsa litsuo-

phetoho ea boemo ba leholimo, hobane ba sitoa ho atleha hantle ka lebaka la komello le lipula tse matla, ka hoo boholo ba lijalo tsa bona ha lia sireletseha.

O lumela hore 'moka ona o tlo ba thusa hore na ba ka fena maemo ana joang, hore ba tsebe ho tsoelapele le ho hlahisa ka bongata. A re basali ba bangata ba bonahala ba khathetse matla ka lebaka la litlamorao tsa phetoho ea boemo ba leholimo, tlhokahalo ea lichelete le mekhoe e ntlafetseng ea ho noesetsa. A re e bang ba ka fumana tšehetso ea lichelete, boitjaro ho bona e tla ba pale ea maobane.

O phethetse ka hore basali ba khathetse matla ke litaba tsena, hoo ba bang ba nyahlatsang ka lehare, empa kaha temo e le mokokotlo oa naha ho bohlokoa hore basali ba tšoare ka thata ho bona hore ba kena

temong ba tsebe ho fepa malapa.

E mong oa litsebi litabeng tsa Phetoho ea Boemo ba Leholimo Norah Mlondobozi, ho hlaha mokhatlong oa Rural Women Assembly, o re mosali e mong le e mong o lokela ho ba le sebaka sa poloko ea lipeo hore ba tsebe ho hlahisa lijo le ho fepa malapa. "Lipeo ke lithare tsa rona bohle ebile ke lijo." Ke Mlondobozi eo.

Ha joale basali ke bona ba jang lefa la litaba tsa phetoho ea leholimo empa ba sa kenya letsoho litabeng tsa ts'ilafalo, 'me ha ho motho ea ikhathatsang ka litaba tsena. A re ba khothaletsa basali ho lema ka lipeo tsa lehae kaha ho bonahala ho e-na le nako eo ba se nang ho fumana lipeo, ho hlaha linaheng tse ling. O itse tlhahiso ea lipeo e hlola tlala, e ka thusa tlhahisong ea mesebetsi le bophelong bo botle.



Mothehi oa Mokhatlo oa Rural Women Assembly Mercia Andrews, o supile hore basali ba lokela ho fumantšoa tše-

ileng ho tloha temong ea lehae, seo se tla thusa ho fena tlala le ho se itšetlehe liphallelong tsa linaha tse ling joalokaha


yana le tšehetso ea lichelete hore ba tsebe ho hlahisa likhoho ka bongata.

O re ha joale ba tobane le phephetso ea



MOB KIDDS EDUTAINMENT

Puzzle MOB 93-4571



Across


- 3 Naleli e bonoang ha letsatsi le chaba ebile ho na le mokha oa lipolotiki o rehelletsoeng ka eona. (6)
- 5 Ngoan'a khatseli'a ka. (7)
- 6 Letšoao le kopanyang lipalo tse peli. (7)
- 10 Khora. (6)
- 11 Naleli ea hoseng-seng. (14)
- 13 Ho tlohela ntho e itseng ha nakoana (3)
- 14 Lenaka le letsoang ke monna ea bonang linakane (Naleli). (9)
- 16 Ea nyetseng moo ke nyetseng. (4)
- 18 Naleli e khanyang ka ho fetisisa. (4)
- 19 Basali ba mophatong. (10)
- 20 Naleli e tsamaeang ho tloha lehlakoreng le leng ho ea ho le leng, eka ea betsoa. (12)

Down

- 1 Motho ea bekang bana thabeng. (6)
- 2 Naleli ea pele ea phirimana. (12)
- 4 Tšupo ea makalo polelong (6)
- 5 Naleli e hlahang nakong ea selemo, pele ho lipula tsa pele. (6-2-7)
- 7 Moo bana ba rutoang moetlo (9)
- 8 Naleli e lepanyang qaleho ea Mariha (8)
- 9 Letšoao le supang hore polelo e tsoelapela. (7)
- 12 Naleli e bonahalang ka khoeli ea Phupu le Phupjane, e supang nako ea ho bolotsoa ha bashemane. (8)
- 15 Tlali. (7)
- 17 Letšoao la potso. (5)

SOLUTION

MOB 93-4570





TSA KEREKE

2024-2025 SELEMO C

MOKETE OA TLHAHISO EA MORENA



Malakia 3:1-4
Pesalema 23
Ba-Heberu 2:14-18
Luka 2:22-40



Khothatso

Mahlo a ka a bone pholoho

Ba bang ba lona ba hlokometse hore Mokete oa Tlhaahiso ea Morena ka Tempeleng o ketekoa ka khoeli ea Hlakola, 'me o boetse o tsejoa ka mabitsa ana; "Letsatsi la Mabone" kapa "Tlhoekiso ea Maria Movirigo."

Letsatsi la Mabone le bolela'ng? Mehlang ea khale ho no baloa Bukeng ea Zephania e se ea Malakia joalokaha le bona kajeno. Bukeng eo ho ngotsoe tjena, "Matsatsing ao ke tla tsoma Jerusalem ka mabone..." (Zephania 1:12) Balumeli ba mehlang eo ba ipapisitse le mantsoe ana, ba ne ba etsa mokoloko oa mabone. Le mehlang ena Kereke e Katholike e ntse e lumella mokoloko o joalo oa mabone, ha feela a hlohonolofalitsoe.

Joale re tla lebitsong la bobeli la "Tlhoekiso ea Maria Movirigo." Matsatsing a tsoalo ea Morena Jesu, moetlo oa Bajuda o no laela mosali ea behileng mora ho itšeka thajana matsatsi a 40. Ha le bala ho tloha letsatsi la la 25 Tšitoe, letsatsi la 2 Hlakola ke la bo-40.

Morena Molimo a bua le moprofeta Malakia o tšepisa hore o tla romela morumuoa oa hae ea tla mo lokisetsa litsela, 'me Morena eo batho ba 'matlang o tla iponahatsa ka Tempeleng ea Hae. (Malakia 3:1; Matheus 11:10; Mareka 1:2; Luka 1:76, 7:27) Ha e tsoelapele Thuto eo ea Pele e bua ka mollo o tsoanang le oo Kriste a ileng a bua ka ona le hore h'a tliša khotso empa karohano lefatšeng. (Luka 12:49-53) Joannes Mohlatsoi le eena tabeng e tsoanang o ile a bolela hore eena o hlatsoa ka metsi empa ea tlang kamor'a hae o tla hlatsoa ka Moea o Halalelang le mollo. (Matheus 3:11-2)

Morena Jesu o ile a iketsa sehlabo molemong oa rona e le hore a tle a ithoekisetse sechaba seo a ka se bitsang sa hae se mesebetsi e metle. (Titus 3:14) Kriste esale a e-na le morero oa ho re hlaletsa ho tloha qalehong ea mosebetsi oa hae. (Joannes 14:14, 19) Tlhoekiso le khalalelo ea rona e qalile nakong eo re amohelang Sakramente ea Tlhatso. Ho qalile tlhatso ea metsi eaba ho tla ea mollo, tlhoekiso ea Moea o Halalelang. Bohle ba ikokobetsang le ho mamela ho tataisoa ke Moea o Halalelang ba tla pholoha, empa ba sa lateleng grasia ena ea Morena ba tla lahleha. Joalokaha Kriste a boletse ho ba le khetho ho tla etsa hore malapa a mang a amohela grasia ena, ha a mang a tla e lahla.

Evangeli ea kajeno e ka akaretsoa ka mantsoe a Simeone, "Mahlo a ka a bone pholoho eo u e lokiselitseng lichaba." (Luka 2:30) Simeone o ile a tataisoa ke Moea o Halalelang ho ea ka Tempeleng hobane a boletsoe hore a ke ke a shoa a e-s'o bone Messia. Nakong eo Maria le Josefa ba isang ngoana Jesu ka tempeleng ho latela moetlo, o ile a nka ngoana 'me a re Morena joale a ka lokolla moea oa hae hobane o bone pholoho ea Israele. Ho no le teng hape moprofeta Anna ea ileng a tlotlisa Morena ha bona ngoana 'me a bua ka eena ho bohle ba neng ba lebeletse pholoho ea Jerusalem.

Simeone le Anna kamora ho kopana Tempeleng 'moho 'me ba bona pholoho ea Morena ba ile ba ikela ka khotso, joalokaha le lona ha le kopane Sehlabelong se Halalelang sa 'Missa qetellong ea sona le ikelang ka khotso.

O thakhola khaho ea liofisi

Tšelisong Thakholi

Mookameli oa Kopano ea Maoblata a Maria ea se nang Sekoli, Fr. Sydney Mothusi Boatile OMI o hlohonolofalitse le ho thakhola mokhahlelo oa pele oa khaho ea liofisi tse ncha tsa Parish ea Maria Mofumahali oa Lefatše, Mazenod ka Sontaha sa la 25 Pherekhong monongoaha. Khubu ea litšebeliso tse na e bile Sehlabelo se Halalelang sa Missa se neng se eteletsoe pele ke eena Ramaoblata a tlatsitsoe ke Fr. Patrick Matsau OMI.

Khothatsoeng ea letsatsi

re iphumana re le kahar'a makhopo le litsietsi tseo re leng tlasa khatello ea tsona, "ebile re ikutloa e ka re lokela ho arohana le ho khethollana hara rona, rea hopotsoa hore molao o teng o lokelang ho re tsamaisa."

A re ha re lokele ho lumella maemo a bohloko a re etsahalletseng a mathata a rona ho imela bophelo ba rona. "Re lokela hore re laole mathata a rona a se ke a baka likhohlano le likarohano." O boletse joalo a bile a eketsa ka hore re tšoanela ho shebana le bohloko ba motho ka mong kaha kaofela ha rona rea hlokana, 'me tlhokanong ea rona re thusaneng ho ba ntho e

le 'ngoe hobane 'Mele oa

hore re be le phelisano e ntle har'a rona le hore re ke re ikamohela le ho italima ka mohau ona oa Jesu Kriste. Qetellong ea 'Missa h'a hlohonolofatsa khaho ea moaho o mocha o itse: "moaho ona o entsoeng mona o ke o re thuse bohle hore re be batho ba khotso, 'me bosebeletsi boo re tla bo fumana moahong ona bo re thuse hore re be batho ba khotso. Re se tlise ho hong moahong ona ho fapaneng le khotso. Bohle ba tla sebetsa le ho sebeletsa ka ho ona ba ke ba fumane tšireleletso ea hau morena."

Ho sa le joalo, litho tsa Kopano ea Pelo e Tlotlehlang ea Jesu boemong ba Tikoloho li ile tsa nehelana



leo, Ramaoblata o itse Jesu Kriste joaloka moetapele e mong le e mong h'a qeta ho hloesetsoa setulong sa hae, o ile a bolela hore seo a se tletseng ke ho tla lopolla mafutsana, ho lokolla batšoaruoa le hore ba eisehang ba hlomphehe. "Ke tletse ho tla aba mohau har'a sechaba, ke sona seo a neng a se tletse 'me ka ho etsa joalo Kriste o ne a iphatlalatsa e le moetapele le hoja ba sa ka ba mo utloa." A rialo.

O re Mangolo a Halalelang a hanana le likarohano hobane li re qhelela thoko, ho kena-kenana le ho se hlomphe meralo ea tšebetso eo Morena Jesu Kriste a tlišeng ho tla e etsa. O re joaloka sechaba sa Israele, haele mona kajeno

Kriste o mong, 'me Jesu Kriste o re ke ka mohau re ka bang ntho e le 'ngoe.

A re bohle re memeloa

ka folakha ea Kopano ho Parish ea Maria Mofumahali oa Lefatše, e le eona e seng e nka tsamaiso ea Kopano.



Bahalaleli har'a Beke

- | | |
|-----------|---------|
| 3 Hlakola | Blaise |
| 4 Hlakola | Aldate |
| 5 Hlakola | Avitus |
| 6 Hlakola | Mun |
| 7 Hlakola | Fidelis |
| 8 Hlakola | Cointha |

Lehlana-hlana la motima-hlaha

Tšeliso Thakholi

Ke lehlana-hlana la motima-hlaha, lihlopha tse bapalang liking e kholo tsa bolo ea maoto ea basali tsa Lesotho, li loanela ho hapa liki ea monongoaha mabaleng a fapakaneng kahare ho naha. Sena se bonahetse ka ho loana e mahlo-a-mafubelu ha lihlopha ho tseka ho kotsomala se maratsoana liking ea basali ha tse ling li baleha ho rathoa ke selepe.

Leha lihlopha li ne li phethela lipapali tsa mokhahlelo oa bobeli oa liki, tse ntseng li setse li sa le sehlotšoana, 'me ho bonahe-tse tse ling tsa lihlopha tse kang Kick4Life Ladies, LDF Ladies, FC Stoko Ladies le Lijabatho Ladies li ntse li le ka holimo lokong kamora lipapali tsa tsona tsa mafelo a beke. Bone bona bo a hlahlamana lethathamong la liki ho tloha kaholimo.

Kamor'a hore ebe LDF Ladies e bapala ka seahlolo sa 1-1 le Lijabatho Ladies mafelong ana a beke a tsoa feta, e hlotsoe ho kotsomala kaholimo lokong, 'me e boetse e buletse Kick4Life monyetla oa ho eketsa lintlha-khoho le hoja le eona e ntse e bapetse ka ho lekana le Berea Ladies ka ho pitiki-



sa mahe.

Lihlopha tse ka holimo lokong kaofela ha tsona, ho etsahetse mohlolo oa hore ho se be le se seng sa tsona se hapang papali ea sona. Ona ke mohlolo oa pele o qalang ho etsahala ho tloha esale Liki e Khoho ea Basali e thehiloe. Ke lihlopha tse peli feela tse hapileng lipapali tsa tsona mafelong a beke a tsoa feta, e leng Thaba-Tseka Ladies ka ho

tsoa ka lesoba la nale ha e ne e hlohlora Mphaki H.S. Ladies ka thupa e bohloko ea 1-0 papaling e bileng bolutu haholo Lebaleng la Sekolo se Sehoho sa Temo, Maseru.

Sehlopha se seng se hapileng papali ea sona ke Bokamoso Ladies ka ho tlontlolla Bantu Ladies e bonahalang e hula ka lithako tsa morao monongoaha ka ho e shapa 8-1. Se ileng

sa soabisa barati ba bangata ba bolo ke ho bona sehlopha se sehoho sa liki e khoho joaloka Bantu Ladies se bapala ka libapali tse robong, bencheng ea tsona ho se libapali tse ling tse ka kenang ho phomotsa tse ntseng li bapala kapa haeba ho ka etsahala hore se seng se hlahe kotsi. Benche e ne e omme ngo! Lihlopha tse bonahalang li ka 'na tsa iphumana li le ka moo

thakali e fatelang ha liki ena e fela ke Mphaki H.S. Ladies e boemong ba bosupa, Berea Ladies e boemong ba borobeli, Thaba-Tseka Ladies e maemong a borobong le hoja e hapile papali ea eona. Sehlopha sa ho qetela se kotsing ke Bantu Ladies e e-s'o hape le ha e le papali e le 'ngoe ho tloha haesale liki e qalile. Hona e boetse ke nalane liking ea bolo ea basali.

LBA e khutlisetsa sechabeng

Tšeliso Thakholi

Mokhatlo oa Lesotho oa Papali ea Basketball (LBA) o hlophisitse lipapali tsa matsatsi a mabeli tsa Basketball tse neng li phethela litholisa-

no tsa Mohope oa Summer Slam Charity Basketball Tournament, tse sa kang tsa fela ka khoeli ea Tšitoe ngoahola. Lipapali tsena tse tšoaroang selemo le selemo tseo, morero oa tsona e leng ho bokeletsa lijo le thepa e fapakaneng bakeng sa ho phallela mahae a likhutsana, li ne li tšoaretsoe

mabaleng a Ha Ratjomose, Maseru ka la 24 ho isa la 26 Pherekhong 2025.

Lihlopha tse ileng tsa atleha ho bapala ho makhaola-khang e bile Simply Talent eo e bileng eona mohloli ka ho hlola MMB ka 40-38 ho tse khoho, ha Khubetsoana Allstars e ile ea ikhapela tlhoho ka ho tsoa ka lesoba la

nale ha e ne e hlola Rebels ka 42-41, papaling e neng e hlile e le matla haholo eo bohoho bo neng bo hlile bo e shebile ka leihlo le nchocho.

Ho ea ka Raliphatlatso oa LBA, Sam Motsamai lipapali tsena ke morero oa bona oa selemo le selemo e le ho kenya letsoho le toma mahaeng a bana ba

likhutsana. "Hang kamorao ho lipapali tsena ke hona re tla lula fatše ho sheba hore na re phallela lehae lefe ka seo re seng re se bokeletse. Ha se hore le selemong se tlang re tla fa lehae le tšoanang, re fetola libaka e le hore bohle le bona ba fumane molemo ona oa rona." O boletse joalo.

A re limpho tseo ba li isang ke liphahlo ho kenyelletsatsa le lijo tseo batho ba bang ba boithatelo bo botle ba kentseng letsoho hore li be teng. A re batho ba bang ba rekile lijo ka mefuta, ba bang ba fana ka lieta le liphahlo tseo ba seng ba sa li sebelise malapeng. A ipiletsa ho bafani ho etsa letsoho la monna ho phallela mahae a likhutsana. A re sena se tliho boela se thusa ho tsofola papali ea Basketball kahare ho naha. A leboha bohle ka lithuso tsohle tseo ba faneng ka tsona.

Ho sa le joalo lipapali tsa monongoaha tsa Liki ea NBL le ea likampani li tliho thakhoha ka la 1 Tlhakubele 2025, ha ka la 15 Tlhakubele e tla be e le tsa Likolo tse Phahameng boemong ba tikoloho.



Swallows e inonyanya matla

Tšeliso Thakholi

Sehlopha sa Bolo ea Maoto sa Swallows se qalile boitokiso bo matla bakeng sa mokhahlelo oa bobeli oa Liki e ka Boroa ea A Division, o tllilo qala mafelong ana a beke, ka ho bapala lipapali tsa setsoalle le lihlopha tsa B Division e leng Mantšonyane United, Lilemela le Rovers Lebaleng la Swallows, Mazenod ka la 25 Pherekhong 2025.

Lipapali tsena tse neng li reretsoe ho chorisa sehlopha bakeng sa Liki, ke moo papaling ea pele Swallows e ileng ea halala Mantšonyane United ka 6-1. Papaling ea bobeli Rovers ea sasara Swallows ka thupa ea 2-0. Lipapali tsena li ne li boetse li le bohlokoa haholo ho Mokoetlisi Adoro Lefoka ho mo thusa ho hlahloba sehlopha sa hae e le ho itokisetsa ho simolola mokhahlelo oa bobeli oa Liki ka ho bapala papali e matla khahlanong le Qoaling Highlanders mafelong ana a beke.

Puisanong le Mokoetlisi Adoro Lefoka o bontšitse a thabetse tšebetso ea sehlopha se kenyeletsang libapali tse ncha, ho tloha haesale ba qala lipapali tsena tsa boitokiso. A re le hoja mona le mane a ntse a sa khotsofala haholo ho latela liqholotso tse teng kahare ho lihlopha tseo ba li tsamaisang. "Empa ke khotsofetse ke tsela eo libapali tse ncha li ntseng li sebetsa ka eona, empa mosebetisi o sa le mongata hobane tse ling tsa lintho tse kang mokhoa oo re bapalang ka ona le ka moo ba neng ba bapala ka teng lihlopheng tseo ba tsoang ho tsona o tllilo fapakana." O boletse joalo. A re boemo bona ha se boo ba ka bo nepang ka letsatsi le le leng, kaha e se ntho e bonolo haholo.

A tiisa hore haufinyane ba tla tloaela joko ha ba ntse ba kopana le libapali tsa khale. A re libapali tse ncha tseo ba li amohetseng ha li ngata haholo, karolong ena ea ho qetela ea lipapali ho latela molao o tsamai-



sang lihlopha tsa A Division kaha ba lumelletsoe feela ho ngolisa libapali tse hlano. A re har'a libapali tse hlano tseo ba li amohetseng li kenyeletsa Mosothoane Thamae ho tsoa sesiung sa Swallows. Athe ba tsoang lihlopheng tse ling ke Mohapi Thinyane, Moeketsi Sehloho, Thapelo Leluma le Mokone Sobane.

A qetella ka ho bontša hore o khotsofetse haholo ke lihlopha tseo ba bapetseng le tsona tsa Mokhahlelo oa B Division kaha ba sa ka ba atleha ho fumana lihlopha tse kholo tsa Premier hobane li ne li le leetong la ho qetela mokhahlelo oa tsona oa pele oa Liki.



Manda ke mokoetlisi oa Bantu

Tšeliso Thakholi

Kamor'a hore sehlopha sa bolo ea maoto sa Bantu, se hloloe ke bompoli ba bolo Lesotho, Lioli 'Tse Nala' libekeng tse peli tse fetileng, botsamaisi ba sehlopha bo ile ba iphumana bo le tlasa khatello e matla ea ho batla mokoetlisi e mocha oa sehlopha, e leng Monghali Charles Manda eo papaling ea hae ea pele khahlanong le Matlama a seng a bapetsa ka seahlolo sa 2-2, Lebaleng la Bambatha, Maseru ka la 26 Pherekhong 2025.

Manda o kena lieteng tsa mokoetlisi James Madi-

dilane ea seng a le sehlopheng sa Lijabatho. Manda o tekenetse tumellano ea ho phethela lipapali tsena tsa ho qetela tsa liki, 'me o li hula nthau litabeng tsa bokoetlisi nakong eo, sehlopha sa Bantu se bonahalang se hula ka boima se bile se theohile haholo papaling ea sona e ntle eo se neng se e bapala linakong



tsa ho feta. Tebello ea barati le batšehetsi ba eona ke ho bona e hapa liki kaha e na le lilemo tse tharo tse latellanang e-s'o e hape.

Ho sa le joalo, mohlaba-lintlha ea hloahloa e bile e le 'mapala-hare oa sehlopha sa Bantu Lehlohonolo Fothoane o sehlopheng sa Township Rollers ea Botswana ho ea leka lehlohonolo la ho bapalla sehlopha seo. Fothoane ea bileng a khutla ho tla e hlanaka khahlanong le Matlama, o tleleho ke Mohlanka oa Liphatlalato oa Sehlopha sa Bantu Poosela Pula, a ne a le litekong tsa matsatsi a mararo, 'me lipuisano tsa botsamaisi ba Bantu le Township Rollers ha li e-s'o phetheloe.

Ka lehlakoreng le leng botsamaisi ba sehlopha sa LCS bo nehelane ka mangolo ao bo behellang ka thoko eo e neng e le mokoetlisi oa sehlopha Thabile Secker 'moho le motlatsi oa hae Ralekoti Mokhahlane. Menyenetsi e supa ha karolo e 'ngoe e neng e setse ea bokoetlisi ba sehlopha e ile ea etsa qeto ea hore le eona ea' itokolla kamora hore botsamaisi ba sehlopha bo hlolehe ho fana ka mabaka a etsang hore ho behelloe mokoetlisi e moholo le motlatsi oa hae ka thoko ho sehlopha. Liteko tsa ho fumana Raliphatlalato oa LCS Monghali Kofa Rantai ho fumana hantle sesosa sa litaba tsena ha li'a ka tsa atleha, 'me lehlakore la hae le tla hlaha koranteng e tlang.

Change isn't forced out of people

Teboho Matjeka
63574502/58911803

Most of the time when we talk about change we get chills down our spines. The reason for this is because we make peace with where we are and forge comfort it. Therefore, we should understand that change isn't an easy thing for anyone more so when that change has the potential to bring positive results. We complain a plenty that our significant others refuse to change their ways, we are even tempted to give up on them. The real ques-

tion here should be, are we going about it the right way? It should be clear to us that any attempt to force people into anything will evoke resistance from them and the change we so desire is negated by our own methods. When we feel we are failing we think the problem is with the other person while in fact our approach is the problem. We should rather introduce people to the change we wish to see and then allow them to have ownership and let them grow into the change without pressure. People's minds perceive pressure as a form of attack compelling them to put on defensive mode.



ELEGANCE COUTURE

fabric that speaks

REDEFINING ELEGANCE
WITH DESIGNS THAT
INSPIRE CONFIDENCE

ELEGANCE
FABRIC THAT SPEAKS

PHYSICAL ADDRESS:
TRADORETTE BUILDING ROOM B22

WHATSAPP: +266 58524642

FACEBOOK AS ELEGANCE COUTURE

INSTAGRAM AS ELEGANCE COUTURE



Barutoana ba abeloa likhau



Tšeliso Thakholi

Lekala la Likhokahanyo, Mahlale le Tšebeliso ea ona le Boqapi le fane ka limpho ho barutoana ba ileng ba ipabola ngoahola lithutong tsa LGCSE, moketeng oa boikhopotso ba ho khutlela sekolong o bileng mabaleng a Sekolo se Phahameng sa Mazenod ka la 27 Pherekhong monongoaha.

Barutoana ba ipabotseng ba abetsoe mehope le mehala ea thekeng e robeli ho hlaha Likolong tse Phahameng tsa Mazenod, Mapetla, Bishop De Mazenod le Masianokeng. Haele barutoana ba leshome ho hlaha sekolong ka seng ba ile ba fuoa seaparo sa sekolo, mekotla le libuka tse ngollang. Athe Sekolo se Phahameng sa Mazenod se ile sa fuoa Computer le mochini o hatsang. Ke hona moketeng ona barutoana ba 30 ba Sekolo sa Mathomo sa Mazenod ba ileng ba fuoa lieta tsa sekolo.

Puong ea hae, Letona la Likhokahanyo, Mahlale le Tšebeliso ea ona le Boqapi, Mohlomphehi Nthathi Moorosi o boletse hore o motlotlo haholo hore ebe ho na le barutoana ba ipabotseng Sekolong se Phahameng sa Mazenod. A totobatsa taba ea hore ho ne ho e-na le nako eo a neng a se a ikutloa a tšoenyehile haholo h'a hlokomela hore sekolo sena

ha se sa sebetsa hantle. A supa hore morero oa bona o moholo ke ho tla khothatsa barutoana ba sekolo le ho holisa batho ba nang le boleng. A re bona e le barutoana ba mehlang ba sekolo sena ba thehile letlole le tšilo thusa sekolo, ho bona hore se ba le katleho mosebetsing o motle oo seo o etsang. "Ehlile re batla mosebetsi o motle le boitšoarō bo botle ba barutoana bo se hlole bo theoha hape." A rialo.

Atholetsela le ho lebohelela barutoana ba atlehileng. A ipiletsa ho bona ho ba le lerato la sekolo, ho ithuta le ho hlomphe litichere tsa bona. A qetella ka ho leboha bafani ka lithusa-thuto tseo ba faneng ka tsona le ho tšepisa hore isao lekala le tla abela sekolo ka seng Computer Lab.

Lebitsong la Likolo tse Phahameng, Mosuoehlooho oa Sekolo se Phahameng sa Mapetla, Mofumahali 'Makhotso 'Moleli o lebohile bafani le lekala ka ho ba le qenehelo ea ho thusa bana ba Basotho. A re bona e le litichere ba etsa sohle se matleng a bona ho thusa bana ba tlókotsing, empa ba bangata haholo. "Re leboha babusi ba tšoanang le lona, 'me Molimo o ke o le ekeletse bohlale." Ke 'Moleli eo.

E mong oa ba ipabotseng Kabelo Rasephehi o ipilelitsa ho barutoana ho roalla le sa sele, ba se emele e marothi a liphara ka ho 'na ba itšepisa ka hore nako e sa le teng kaha ba e-na le khoeli feela likolo li butsoe. "Le hle le qalile e sa le hona joale hoba nako ea

lithuto e fokola haholo." A leboha bohle ba atlehisitseng mokete ona ka mekhoha e fapakaneng.

Ho sa le joalo, Sekolo sa Mathomo sa Mazenod ha e ea ba mokhelo ketekelong ea ho khutlela ha barutoana sekolong, joalokaha e le mohoo oa Naha ea Lesotho hore ho ketekoa ka

ke a be le bophelo litabeng tse amanang le sekolo.

Mosuoehlooho Sidwel Koenene a bonts'a hore ba na le selekane seo ba ileng ba se theha le Lelotala le Lehlo la Lesotho ngoahola, joale ba tšile ho tla phethisa morero oo oa bona.

'Manaleli Matlatsa leb-



moka. Ka hore bohle ba nang le hona ba otlolle letsoho ho ngoan'a Mosotho ea hloakang hore le eena a

itsong la leloala o itse sepheo sa bona se sehola sa matlha ke ho ntlafatsa thuto ea ngoan'a Mosotho, ka hore bona ba reke lihlahisoa tsohle tsa ho tloha ka boima ba 10kg ho isa ho 50kg. A re kamor'a ho moo ebe bana ba bokella mekotla e 400, ebe sekolo se tla iphumanela libuka tse 100 molemong oa bana. Ka hona sekolo sena se bokeletse mekotla e 800 'me se ile sa iphumanela libuka tse 200. A phethela ka hore morero ona o qalile ngoahola o tla fihla pheletsong ka khoeli ea 'Mesa monongoaha.

Ho bile le ngoana ea bokelletseng ho feta ba bang ea ileng a putsoa ka M2,000.00 e tla mo thusa ho fumana seaparo sa sekolo 'moho le lieta le tsohle tse ka thusang hore a tsebe ho ithuta hantle.

